



桐花開吔（南四縣腔）

「阿宏，你个作業又無繳哦！」文玲譴嘍嘍仔大嫲聲罵。

文玲在五年一班，係同學之間人講人驚个班長，大家人偏背喊佢「辣椒嫲」；佢也係先生最得力个左右手，做得同先生搵手做盡多事頭。

「你過毋交作業，佢愛同先生講吔啲！喊先生同你處罰！」文玲毋放阿宏煞。

「lu lu lu！」阿宏 le^{ㄌㄝˊ}舌嫲，做一個鬼面，一息也毋驚。

「發生麼个事情？」一個低沉个聲音出現，所有个細朋友搶快坐好。

入來个係五年一班个導師李振豪先生，佢生到高溜高溜、斯斯文文，目光盡銳利，因爭第一擺帶高年級个班級，盡多有教學經驗个同事都同佢講，定著愛過嚴條一息，係分細人仔跋上天，愛管佢等就越至難吔哦！故所，開學 1 禮拜吔，李振豪在細人仔面前，都擺出一張包公面，毋識嚟過。

「先生，」文玲雖然係班長，毋過也會驚李振豪，聲音變到像老鼠看著貓仔共樣恁細聲。「阿宏兩日無繳作業吔啦！」

大家都毋敢出聲，教室裡肚連一支針跌落地泥都聽得著。

^{ㄌㄝˊ}le：西

先生停咗差毋多 1 分鐘無講話，「先生愛處罰阿宏咗啦！」、「阿宏該慘咗啦！」、「阿宏還毋知死哦！」大家人心肝肚都恸，先生處罰落去，阿宏个尸肱定著必析啦！

盲知，李振豪眼光掃過每一個同學後，開嘴講話咗：「阿宏，你無繳作業，先生莫先處罰你，今晡日放學先生正去做家庭訪問。」

「啊！」無想著先生會恁仔講，結果淨恁仔定定哦？

「好哩，」李振豪無再過看同學，「數學課本拿出來，俚等上節課講著這分數个除法……」

李振豪牽等腳踏車，對等地址，慢慢尋阿宏个屋下。佢認真對該號碼，確定佢尋著咗。該係一間民宿，佢知啊這附近有盡多人家配合政府無煙產業，將屋舍改做民宿，分觀光客來寮來歇，結合後山靚鬧鬧个桐花景致，紹介客家文化，還有特殊客家風味个餐點，來推廣觀光。實際上，當然恁仔做得增加經濟收入，正係最重要个。這下桐花開忒落淨咗，係生理較冷淡个季節。

振豪將腳踏車停好，行入該客家伙房建築。頭先騎車騎一大段息把上崎个路，佢敢氣無麼个勻咗。

「歡迎歡迎，係愛食夜抑係愛歇夜？」櫃檯个後生細佬仔親切个問振豪。

「毋係啦，佢愛來尋人啦，王俊宏係毋係歇這位？佢係佢个先生！」

「噢，佢係吾老弟啦！先生，佢做差麼个事啊？」

李振豪無正面回答佢：「嘎你等个大人儕在屋下無？」

「佢阿爸阿媽去工廠巡榨油咧，愛較夜一息正會轉來，先生，你先坐一下、寮一下來，在佢等這食夜啦！」後生斯後生，像生理人个嘴碼。

李振豪噏得壞勢壞勢：「毋使啦，你做得尋你阿爸阿媽轉來無？佢在這等一下啦！」

該隻細佬仔搶快打電話分佢阿爸，毋知老弟在學校闖麼个大禍！

「欸！阿威！細義兜！毋好衝著人吔！」這毋係王俊宏个聲啊？

李振豪斡頭看，果然，阿宏逐等一個三、四歲个細人仔，對大門衝入來。

細人仔閃過李振豪，跳上去櫃檯脣个胖凳項，噏到 kag kag^㉑滾。

「啊，先生！」阿宏走到李振豪个面前，認出先生，搶快煞車，毋敢過走吔，「你正式來做家庭訪問哦！」阿宏个聲音比蚊仔較細聲。

「咳咳，」李振豪清一下喉嚨頭，「當然啦，先生仰做得騙人啫？」佢看一下胖凳項个細人仔，「這係你老弟咩？」振豪記得，阿宏个學籍資料無寫著佢有老弟老妹呀？

「毋係啦，佢係紫婷阿姨个佬仔啦！」阿宏看著先生、盡驚先生，歸圓身仔就 ngiog` ngiog` xiog` xiog`^㉒無自在，「先生，佢先入去寫功課哩！」佢轉身就走。

^㉑ kag kag：咳咳

^㉒ ngiog` ngiog` xiog` xiog`：虐虐削削

「阿叔，」該細人仔跳落胖凳，擲李振豪个褲腳，「阿叔，你同佢搞啦！」

李振豪跔下來，摸佢个頭那，講：「你安到阿威，著無？」

「係呀！嘎你安到麼个名啊？」這個細人仔一息都毋會畏生疏。

「佢安到阿豪，你做得喊佢阿豪叔。」

「阿豪叔，佢等來搞搵咪摸目仔！」阿威擲佢个手掙。

李振豪看外背，講：「天色暗咁哦，下二擺阿豪叔正陪你搞，好無？」

阿威嘴呶啊盡高。

李振豪牽著阿威个手：「你阿爸阿姆喏？」

阿威還毋前應聲，阿宏个阿爸王建清同阿姆建清仔嫂歸來咧。佢等一入啊來，就鼻著佢等圓身項桐油个味緒。

「李先生，仰恁罕得來喏！這坐！這坐！」建清講話一等大聲，隔壁鄰舍驚怕都有聽著。

「多謝！」李振豪在胖凳坐下來。

「阿宏這隻山猴仔又做麼个事情惹先生發譴咩？」

「無恁嚴重啦！阿宏較毋好寫功課，作業會較慢繳啦！係毋係請王先生、王太太愛較輒注意細人仔功課，係無，到六年生、到國中會跔毋著別人啦！」

「唉呀，李先生，佢等个細人仔大咁也係做工个，讀恁多書做麼个，在學校有乖乖毋會做猴就好咁啦！佢等也無麼个識字，愛教就毋知愛仰呢教哦！」

「毋係恁樣講啦，王先生，細人仔加讀一息書，將來有機會就會出頭天啊！阿宏個頭腦毋會差，讀書係讀得來個啦，爭差無人壓佢認真讀定定！」

「李先生，你毋知啦，像佢這隻大隻個，也係國中畢業就開始來店項搵手，這滿正半工半讀去高職夜校讀書。若係愛讀，係無先生喊佢數學讀較好一息，來店項算數就毋會算差咗！」

李振豪愛仰呢同家長解釋：受教育係細人仔改變命運個機會，做得脫離貧窮、脫離弱勢啱？一生人在鄉下做工，將來又係清苦過日仔，下一代還係共樣無辦法改善生活啦！

「王先生，你盡量督促啦！最起碼小學係基礎教育，愛讀好來，高中以後個事情，以後正來打算啦！」

「好啦，好啦，平常時紫婷會教細人仔寫字，這兩日係佢家娘高血壓症頭擎起來較無閒啦，佢會同紫婷講啦，恁呢毋就好咗？」

這紫婷到底係麼人啱？佢係阿威個阿姆，阿威又毋係阿宏個老弟，講起來就毋係親戚，佢又會教阿宏寫字？唉！毋管佢咗啦！總講愛來家庭訪問，分阿宏知呀先生有注意佢個功課問題，目的就達成咗呀！

「嘎恁仔好，」振豪又看一下阿威，佢拿計算機在該搞，看起來係蓋靈通個細人仔，「王先生，細人仔個教育問題佢等共下來擔待。嘎你做你無閒，佢先來歸哩！」

「啊毋在這食夜咩？」一直無出聲個建清仔嫂好意問振豪。

振豪禮貌性噓一下：「毋使啦，多謝！」

佢出去牽腳踏車，天色全暗下來咗，佢打開腳踏車個燈盞火，下崎個路慢慢仔箭就騎啊盡遠咗。涼風吹來，在耳公脣呼呼

響，開學到今，去過會 10 儕个細人仔屋下，得著个講法都差毋多，讀國中畢業也就去做工，考高中、考大學係發夢个事。還伸五六儕毋前去訪問个，毋知會共樣無？

「這濁水溪係臺灣最長个河溪……」李振豪指等粉牌頂个臺灣地圖，講臺灣地理，社會課愛背个資料當多，振豪定著會先用地圖說明，細人仔了解以後，正會較好背。

佢看著阿宏傳細紙條仔分頭前个阿明，佢恬恬仔行過去，拿起紙條來看：「先生畫个臺灣正式畫像番薯」，佢 1 隻字 1 隻字唸出來，唸忒有 3 秒間無聲音，續下來大家人大聲噓出來，有人噓到砰桌仔。佢幹頭過去看粉牌，又看紙條仔个字，佢也噓出來，「阿宏，你哦，讀書寫字無一 jioq，變古變怪就畫會！」

講實話，這 2 個禮拜來，阿宏个作業有準時繳來也，做毋得罵佢正著。李振豪惱起，該「紫婷」毋知用麼个方法收服這隻山猴仔，敢講佢係如來佛，阿宏飛毋出佢个手巴掌？佢有一息好奇！

放學也，李振豪又騎腳踏車到民宿去。

「阿豪叔，」阿威竟然還記得佢个名仔！「你看佢畫个屋仔！」

阿威用石頭在地泥下畫圖，看起來比佢畫个臺灣還較靚。

「哇，阿威畫个當靚哦！」振豪摸摸阿威个頭那。「來，阿豪叔今晡日帶你去打野球！」

「好啊！好啊！」阿威緊拍手，石頭擲去脣頂。

振豪也毋知自家係仰呢，對阿威有講毋出个好感，阿威目珠圓律律仔，本來就蓋得人惜。

振豪對腳踏車項拿下來球棍仔同手套，就在禾埕擲球仔分阿威打。

對三、四歲个細人仔來講，愛打野球哪有恁簡單喎？阿威打咗幾下都打毋著，振豪盡量擲慢慢仔、較低个球，無恤著阿威正式打著咗！

「耶！耶！耶！」阿威盡暢跳起來！李振豪跔下來同佢掉汗。

「你等在做麼个？」一個盡溫柔个聲音對後背傳來。

「媽媽，佢曉得打野球咗喎！阿豪叔教佢打野球哩！」阿威又跳過去同該細妹仔講話。

李振豪斡頭一看，該應該就係傳說中个「紫婷」——「邱紫婷」！佢看起來二十五、六歲定定，生著白淨白淨个面頰卵，無像鄉下做事个細妹仔，佢目珠金金看等振豪，雖然無責怪个意思，但係振豪嘎壞勢起來！

「佢係阿宏个先生啦，聽講你會喊阿宏寫功課，佢來認識認識你啦！」振豪也毋知緊張麼个，講話嘎結舌結舌。

「噢，你係李先生哦！來，入來坐啦！」佢个警戒心放下來。

「阿豪叔，來！入來啦！」阿威去牽李振豪。

邱紫婷腳踏車停好，攞菜入去灶下。經營民宿，1個人愛當幾個人用，佢愛去買菜、煮菜；人客歸咗，就愛拚掃間房。庭院个園仔種花、淋水、除草，也愛佢搵手，講起來也當無閒。

「這工作較自由啦！」李振豪个好奇，邱紫婷回答得盡自然，應該盡多人問過也，「有時節佢家娘發病愛住院，又愛照顧阿威，建清仔嫂佢等做得接手。去都市項上班就無辦法恁呢，」佢个手無停，繼續擇菜，「雖然月給無多，佢盡滿足也！阿威个阿爸……」佢無過講下去，淨搖頭。「唉，這關你麼个事喎？佢講忒多也，你應該聽到盡煩哦！」

李振豪毋敢講，佢盡想過聽落去，眼前个細妹仔講話溫柔、做事伶俐，毋知仰呢，就分佢吸引，聽到呆忒。

「阿宏，文玲在收作業無聞，你將這份資料拿去學務處！」李振豪喊。

「啊！」阿宏最驚學務主任，這兜山精仔看著學務主任來，隨就乖到像貓仔，這陣仔先生盡好喊阿宏做事情，有先生个命令，毋使坐在教室裡肚，對尸肫尖尖坐毋核个阿宏來講，係盡爽快个事情。無恁著今晡日愛去學務處，這毋係自投羅網也啊？

「啊麼个呀！搶快去！」振豪又喊。

「先生，做得喊阿明同佢共下去無？」

「好啦！」振豪答應也。

阿宏慢慢仔行，「欸，阿明，你有感覺著先生怪怪無？」

「怪怪？毋會呀！仰呢怪怪？」

「佢有時節會自家惹惹仔喺，佢 ke 壞佢个杯仔又無罵佢，還講愛去佢屋下教佢數學，恁呢毋係怪怪啊？」

「佢看你正怪怪啦！無分先生打無過願咩？等先生轉性也，你皮就弓繆哪！先生會打到你喊毋敢！」

「噢，還有啦，先生盡好問佢紫婷阿姨个事情！」

「紫婷阿姨？哦，就係在你等民宿共下做事个阿姨，佢做个雞卵糕當好食囉！想著口涎水都會流下來嘢！」

「食食食！淨知好食！你斯柮鬼來轉世咩？」

「先生問紫婷阿姨做麼个？啊！壞哩！」阿明盡大聲又拍阿宏个肩頭。

「唉呀！愛嚇死人咩？」阿宏搭心肝講。

「先生愛喊紫婷阿姨分你寫較多功課啊，到該時，你就毋使想愛去搞奈、看人公仔書欸！」

唉，阿明仰看毋出先生怪怪喎？

「阿威，佢來咗嘢，揣看啊試，阿豪叔今晡日愛帶你去哪？」

「阿豪叔，阿婆橫倒咗啦！」阿威走出來擲佢个褲。

李振豪搶快將腳踏車停好，走入去屋肚。

在浴堂門口，阿宏个阿哥阿宇攙等阿婆，手骨驚怕有橫斷，手目 ngau^㉔走咗！

「阿婆一個人去便所橫倒，手去參著！」阿宇解釋一下情形。

「紫婷阿姨同若爸若姆喎？」

阿宇盡緊張：「佢等去臺中愛看家具，無恁遽歸哩！佢來去打電話喊救護車好咗！」

^㉔ ngau'：撓

「等車仔來又載佢等去病院忒慢吔！」振豪看禾埕个汽車，
「有該車仔个鎖匙無？」

「有哇，毋過佢毋曉得駛哩！」

「佢曉得駛啊，」振豪先看一下受傷个情形，外背無傷口，
應該係簡單性个骨節斷忒，佢扶等受傷个手，同阿婆講：「阿婆，
忍耐一下哦！」又對阿宇講：「你去尋一塊細樹枋仔來！」

阿宇知啊振豪愛做麼个吔，搶快去尋枋仔來固定阿婆个手。

佢等駛車仔去急診，好得佢等先將傷口處理得好，打好石膏、
注吔消炎射，就做得轉屋下休養。

阿宇打電話通知大人儕，電話切啊忒，振豪就問：「愛通知
阿威佢阿爸無？」

「噓，等一下你最好莫講著佢哦，特別係紫婷阿姨面前！」

阿威个阿爸到底係仰呢个人喏？從來就毋識在民宿看過佢。

紫婷同建清佢等逐來病院，知啊係振豪駛遽車到病院，心肝
肚嶄然感謝。

建清先開嘴講話：「李先生，佢等恁呢緊少你个人情，毋知
愛仰呢講正好哦！」

「係呀，好得有你搵手，佢家娘正有好恁遽到病院治療。」

「這無麼个啦，」振豪壞勢爪爪頭那毛，「佢堵好愛帶阿威
去寮啦！」

建清同建清仔嫂你看佢、佢看你，阿宇同阿宏也你看佢、佢
看你。大家个眼光都蓋奇怪。

「毋……毋係啦，佢係愛來教阿宏數學个啦！」李振豪越講越面紅。

「阿豪叔係佢个朋友，佢來尋佢呀！」阿威个話同振豪解圍。
阿宏希望先生係來尋阿威奈，最好莫來教佢數學！

「媽媽，佢肚飢咗啦！」阿威又開始做嬌。

「好啦！嘎佢等搶快來歸，媽媽煮飯分你食！」紫婷同阿威捕起來。

「哈，佢來搵手，過兩日咗，佢煮个菜也做得捧上桌賣哩！」
振豪講。

阿宇噏講：「唉唷，李先生曉得煮麼个菜呀！煮數學也係煮國語啊？」

「欸，莫看佢毋起，佢曉得卵炒飯、飯炒卵，一等好食哩！」

「這又毋係客家菜色！過再講，你炒个飯忒綿，毋好食啦！」
阿宇應講。

「係哈？恁呢瀉佢面皮！嘎這就愛怪師父唷，」振豪看一眼紫婷，「師父挑勢留一手無教佢哦！」

紫婷微微笑講：「你還係認真做先生，教書就好啦！」

「欸，阿明，」這下係打掃个時間，阿宏摔玻璃，停下來喊阿明，「你恁，麼个時節會面紅紅？」

「食酒醉呀！」阿明拿等揉做一團个報紙，大力摔玻璃，想都無想就回答。

「又講食个！毋係啦！」

「搽水粉就會面紅紅啊！你看隔壁班細妹先生，每日都靚 ne ne^ㄟ！」

「毋係啦，係細俵仔哩！細俵仔麼个時節會面紅紅喎？」

「佢知耶，分人 hiog`嘴角！」阿明總算停下來無摔玻璃吔。

「齁，無人 hiog`李先生啦！」

「啊？李先生？李先生面紅紅搭你麼个事啊？搶快摔淨來啦，無等一下『辣椒嫵』又會同佢等打點咧！」

「係欸，干佢麼个事啊？」阿宏又開始摔玻璃，「等一下放學，你个人公仔書借分佢看！」

「今暗晡、天光日北部、中部山區愛嚴防豪雨，秋颱走忒，東北季風引進个氣流，會造成大雨，有土石流个危險。歇在山區个民眾請注意，假使雨勢忒大，需要撤村个時節就愛撤離……」李振豪切忒電視，氣象報告情形無麼个好，風搓雖然走吔，山頂會落大雨。

看吔氣象報告也毋會改變結果，對窗仔看出去乜知，外背發風落大雨落到路都濛濛。突然，佢像惱著麼个事情，搶快著水衣牽腳踏車騎出去。

雨實在大！佢个目珠擘毋開！上崎个路雨水緊沖下來，水肚有盡多黃泥。佢个腳踏車會騎毋贏吔！佢還係大力箭、死命箭，騎對民宿去。

「紫婷、阿威、阿宏！」振豪大聲喊，大聲砰門、ngian`^[6]門鈴仔。

^ㄟ ne ne：妮妮

^[6] ngian`：撚

山頂个水冲下來，黃泥裡肚還有幾頭細樹仔。

王建清同建清仔嫂開門出來，振豪緊張个講：「搶快，俵等愛到較高个所在！」

建清看一下水冲下來个狀況，隨回答：「好好好！俵來帶老伯姆出來！」又對等裡背大聲喊：「阿宇！阿宏！紫婷！搶快來！」

大家人聽著聲，全部出來廳下。

「俵來揸阿婆，你揸阿威！」振豪又幹頭過來：「阿宏、阿宇，愛跣等俵等哦！」阿宇較大，毋過會緊張，阿宏个目珠看起來一等驚。

振豪兩隻手放在佢个肩頭：「阿宏，毋好驚，」振豪看一下紫婷，「紫婷阿姨會照顧你。」

紫婷領頭，手纏纏牽等阿宏。

振豪揸等阿婆，一行人向等高地行去，其他个鄰舍也互相相應去高地。

從來就毋識發大水到恁高，等水退忒，大家人拚掃家園，又係一個大工程。

「中央山脈係臺灣最主要个山脈……」振豪上課會講一息時事，分細人仔了解最近發生个事情，這擺發大水，係重要个生態環境破壞个教訓。

「文玲講看啊試：水資源个重要……」振豪看著走廊一個身影，係紫婷。

課程停下來，同學之間都係鄰舍，大家都相識，紫婷入來教室肚。

紫婷笑咪咪个講：「細人仔出錢，喊佢做一個雞卵糕，這擺風搓又發大水，好得大家都平安無事情，愛慶祝一下！」

細人仔全部歡喜到緊拍手。

紫婷溫柔个同大家人切雞卵糕，振豪對紫婷个每一個動作都認真看，又看到呆忒。阿宏用手睜dud`^ㄉ一下阿明，喚佢看先生「怪怪」又「面紅紅」个模樣。

阿明無麼个反應，阿宏又dud`一下。

「齁，你斯仰呢喏？緊喊佢看先生做麼个啦？」

大家都停下來看先生。

振豪驚怕大家人發現佢面紅吔，問講：「麼人愛食第2塊呀？」

「阿威，阿威，你biang^ㄅ在哪位呀？」振豪放學又習慣來民宿。佢明明有看著阿威biang在門背，還揞等嘴毋愛分振豪聽著嗆个聲音，佢挑勢恁呢大聲喊。

「哈啊，佢尋著吔！」振豪同阿威扭起來擎高高，阿威嚕到kag kag滾。

「來，阿豪叔帶你去河壩脣騎腳踏車！」上擺做大水，佢个車仔分大水剷走，這下係借民宿个車仔來騎，車身較矮。

振豪將阿威放在腳踏車个後座，慢慢仔騎出去。10月仔山頂

^ㄉ dud`：揸

^ㄅ biang：屏

个風盡涼爽，風肚有樹仔个味緒，這係在都市頂無法度享受个感覺。

「阿威，纏緊哦！愛騎較遠吔哦！」振豪擲阿威个手拗等自家个腰。

佢等去河壩看魚仔、搞水，歸來个時節，阿威已經睡忒吔，振豪只好一手揸等阿威，慢慢仔牽車仔歸來民宿。

紫婷聽著聲，出來接阿威愛揸去眠床睡。

阿威還目眨眨，拗等振豪个頸根，講：「阿豪叔，你做偃阿爸好無？」

振豪同紫婷停下來，互相看一下，振豪無講話。

「好無啦？」阿威做嬌又問。

紫婷搶快同阿威揸過去，「來，媽媽帶你入去睡目。」

一下仔，紫婷又出來，一個人影在大門邊，紫婷个面色變吔！

「拿兜錢來！」該人盡無禮貌，無喊人个名仔，得知佢在同麼人講話！更加得人惱个係歸身臭酒味，伸手愛同人討錢个樣式像鱸鰻！

「偃無錢！」紫婷幹過頭那，無愛看佢。

「無錢？偃來去尋阿姆拿！」講忒就隨愛入去。

「莫去尋阿姆啦，佢血壓高，會分你譴壞忒！」紫婷擋在佢面前。

「哼！你講莫就莫哦？閃開！」佢大力搥啊去，紫婷差一息仔橫倒，振豪搶快扶等佢。

該人大步行入去，紫婷、振豪也搶快跣入去。阿婆看著該男仔人，就大聲罵：「你這個短命子，還知好歸來！」

「莫囉唆，拿錢來啦！」

看這情形，振豪也揣出佢係麼人。

「你仰恁天壽，畜你畜大咗，淨曉得歸來拿所費！佢也老咗，毋會賺錢咗，從來都毋識想講愛俛靠你，無想著越來越勢過分，連紫婷辛苦賺个錢你也敢拿！恁發脹、恁孤盲！」

「好喂，佢毋係歸來聽你囉唆，錢拿來就著咗！」

「無就係無啦！」

「佢就毋信奈何你毋得！」講煞就去擲阿婆个輪椅、擲阿婆个衫。

紫婷想愛阻擋，家娘个手正復健會好哩！振豪就搶先一步，撻開該人。

「喂，你好手好腳，毋自家賺錢，淨曉得欺負婦人家，係毋係男子漢哪？」

「你斯麼人哪？」佢看一下紫婷，目珠輪來輪去，「哼，連契哥都敢帶入來咗！這斯麼个狀況啊？佢看毋落去哦！」

「你正分人看毋落去！男仔人應該頂天立地，保護家庭正著，你愛仰呢做阿威个阿爸喏？」

紫婷分「阿爸」兩隻字電著！紫婷恸起頭先阿威講，愛振豪做佢个阿爸，心肝肚清苦到痛起來，目汁漣漣。

「好喂，毋使再過講咧，這兜錢你拿去，」紫婷掙忒目汁，對拖仔拿錢分佢。「恁呢甘願咗，好走咗啦！」

「哼！好好畜佢阿姆、佢俵仔！」佢看一眼紫婷，又看振豪，正行出去。

「這隻孤盲子！唉！」阿婆譴到嚙牙 sen 齒，「紫婷，佢个好心白！係富雄無福氣，佢也無福氣，前世無修哦！」阿婆講到緊噉。

阿婆个噉聲恬咗，停咗毋知幾久，3 個人都無出聲。

「佢.....佢就係阿威个阿爸林富雄？」

紫婷無回答，目珠眨眨，目聚毛濕潤濕潤，目汁忍等無流出來，佢淨領頭。

佢大大力 sod^㉑一口氣，同振豪講：「佢有一息話愛同你講。」

振豪跣等紫婷行到後山，一路項，兩個人都無講話。

恁呢个氣氛實在砒到人敢氣毋出。

「到這為止就好！」紫婷總算開口咗。

振豪停下來，看等紫婷。

「佢个意思斯講，到這為止，你莫過來民宿了！」

這算挑明來講咗咩？振豪回想起這幾個月來，佢來民宿，同阿威搞、同紫婷共下教阿宏數學、同阿宇共下清花園个雜草、同阿婆講笑科；看紫婷煮菜，在脣口搵手擺碗筷，佢感覺著當歡喜！這兜造成紫婷个煩惱啊？阿婆个手橫斷，風搓發大水，佢仰會恁操心、恁緊張喎？到底係為著麼个，佢仰會一擺又一擺想愛來民宿？看著紫婷仰會分佢心肝肚蓋歡喜喎？佢盡想一生人就恁呢過落去莫改變！這下愛好好思考：係毋係愛表明態度咗？

^㉑ sod：吸

「你莫過來民宿地，阿宏个功課佢會教佢寫，民宿个事頭建清仔嫂同佢輪等做就做得地！」

「紫婷，做麼个恁呢講啱？你惱佢來這位斯驚麼个？」

紫婷毋敢看振豪，「你係一個先生，社會上對你等个道德標準過高，你等愛做學生仔个模範，」佢停一下，「佢係一個生離殲，你也有看著，富雄久久仔歸來鬧一下，佢个話會對你有傷害，你同佢共下，毋會有好結果！」

無毋著，社會係無公平个，有人就係恁好講別人个是是非非，聽地會佇毋著！振豪對阿宏該跡問出，知啊紫婷同富雄離婚地，富雄菸、酒、賭博項項來，阿姆也毋畜，想著就歸來鬧事，拿無所費又會打阿姆，紫婷軟心正會照顧家娘。振豪想，佢到底會分這兜話影響無？佢恁地一下仔，終於決定哩！

「紫婷，你聽佢講，」佢目金金仔看等紫婷：「佢-中-意-你！佢同你相處个時節，佢係李振豪，毋係一個先生；你係邱紫婷，毋係一個生離殲！佢等有權利追求佢等个幸福，對佢來講，同你共下，佢就感覺係最幸福个人！管佢別人仰呢講！你也歡喜同佢共下，著無？」

紫婷緊聽緊搖頭那，手摀等耳公，蓋像愛將振豪个話搖走，莫聽入耳。

「你係一時興 cod cod^[10]仔，看鄉下个生活同都市無共樣，感覺著生趣定定，以後就會感覺無意無思地！莫浪費你个時間在這位。」

「你毋係佢，你毋知佢个想法，都市个繁華鬧熱佢也有經歷

^[10] cod cod：綽綽

過，這位个生活步調佢盡愛，過再講，有一個你，佢越勢愛這個所在。你同別个細妹無共樣，你个氣質、你个思想，都吸引佢！」

「佢嫁過人，佢毋係好對象！」

「你看，」振豪指向遠方，紫婷順等振豪指个看過去，「滿山滿坳个油桐樹，在寒天个時節花落淨淨，明年又會開花，來賞花个人敢係共一個人？花開係最靚个時節，有緣个人正會堵著。紫婷，你應該愛把握自家个幸福！」紫婷目珠睜盡大看等振豪，無辦法相信振豪講个話。

「佢還有阿威、還有家娘，哪還有可能有能力愛人喎？」

「你嘎記毋得咁啊？阿威喊佢做佢阿爸哦！紫婷，你還恁後生，做毋得將自家个心關起來！未來个路還盡長，佢想同你共下行！無定著頭前个路有蓋多障礙，佢等共下來打拚，好無！」振豪熱切个看等紫婷。

紫婷想著富雄，心肝肚蓋毋安心。富雄仰可能分阿威喊別人爸爸喎？今晡日係有振豪在場，係無，早就手來腳來咁！為著振豪个名聲，為著振豪个安全，無可能同佢共下啦！佢等中間，隔等佢家娘、阿威、富雄，還有社會一道道刺人个目光！紫婷橫心下來，1隻字1隻字慢慢仔講：「佢-無-中-意-你！」紫婷毋敢看振豪，佢偏背過去，「你聽清楚咁無？佢無中意你！」

講忒，紫婷走咁。

滿地个落葉，紫婷走過去 nang^[1]得脆脆个聲，佢走遠咁，四周圍恬恬靜靜，淨伸振豪啟氣个聲。「佢-無-中-意-你」像5支細鎚仔捶入佢个心肝，佢淨感覺著痛，心肝盡痛、盡痛……

[1] nang：躡

振豪毋知自家係仰呢騎車歸到宿舍个，佢眠在眠床項，目珠金金看等天棚。社會个觀感、紫婷个家人，問題攞做得解決，總講紫婷个想法同態度最重要。「厝-無-中-意-你」紫婷這 5 隻字，又在耳公脣響起，每回想一擺，心肝就刺一下！

幾隻月過去，振豪歸臺中寮地一個寒假，心情還共樣當落寞。

同這兜細猴仔、細猴嫲相處地一學期，互相也知性質地，開學到今，都相當順序，學生仔也算當聽話。

「先生，這作業厝收齊哩，無人缺交。」班長文玲捋一落作業簿來。

「哦，多謝你，辛苦地唷！」振豪坐在辦公桌前，無幹頭看。

文玲毋敢多問話，搶快歸座位。

振豪恁起新接這個班級，阿宏無交作業，佢正會去認識著紫婷，從佢無再過去民宿以後，阿宏每日都有交作業地，應該係紫婷有逐日喊阿宏認真寫字地。佢盡量毋去回想同紫婷有關係个事情，佢也忍等盡量莫尋阿宏輔導訪談，免得想愛問起紫婷个事。毋過，講實話，該段輒常去民宿个日子正式係佢最暢樂个。

「各位同學，這節課上到這跡，下課！」振豪宣佈下課，就看著阿宏 pug`^[12]下去睡目。

這兩日仔都看著阿宏上課啄目睡，下課又睡，到底發生麼个事喏？定著有問題！做先生就愛有恁呢个敏感，做毋得等事情嚴重地正處理。

^[12] pug`：伏

「阿宏，」振豪行過去阿宏个座位，「你斯仰呢無爽快咩？仰緊睡目呢？」

「無啦，先生，無麼个事情啦！」佢目眯眯仔看一下振豪，面又 ngau^[13]轉另外該片睡。

「先生，偃同你講啦，」坐在阿宏頭前个阿明大聲講：「因為阿威个阿爸死忒咗，阿宏愛搵手照顧阿威啦！」

啊！富雄死咗！嘎紫婷喎？紫婷好無？紫婷个聲、紫婷个形影，一下仔又全部歸到振豪个腦海裡肚！掛肚牽腸个人又一擺來影響佢个恗想！

佢盡想問，毋過，在細人仔面前愛仰呢問喎？

等毋到下課放學，振豪就趕緊騎腳踏車去民宿。

「你仰來咗喎？偃有交代阿宏莫講啊？」紫婷平靜个講。

「發生恁大个事情，仰無分偃知？偃係阿宏个先生，應該關心啊！」兩個人个對話當生疏。

紫婷無接話。振豪這位看看哪、該位看看哪，講：「有需要搵手無？」

紫婷搖頭那：「都處理好咗，佢過年前走个，這陣仔有兜佢个朋友來討錢，係佢借咗無還个，也差毋多還忒哩。」

「你.....好無？」千言萬語，振豪就想問這句。振豪熱切个目光，分紫婷心肚一陣燒暖。

紫婷心肚恗，「做毋得流目汁！做毋得流目汁！」一噉佢就

[13] ngau：撇

會軟心，一噉佢盡命抵抗想見著振豪个念頭个力量就會消失忒！

「紫婷，麼人來喏？」紫婷个家娘在間肚問。

「噢，係人客啦，愛來歇夜。」紫婷緊張个回答。

「阿婆！」振豪故意大聲喊，「佢啦，振豪啦！」佢行近阿婆間門口。

「入來坐啦！」

振豪聽著，用勝利者个姿態看一下紫婷，就入去也，紫婷只好踅等入去。

「紫婷等一下愛去富雄个朋友冠勝屋下還錢，你同佢去好也！該冠勝看起來無麼个像好人！」阿婆停了一下，「唉，俚仔毋像樣，正式會譴死人，毋過，告知會出車禍分人撞死！講走就走，伸佢老貨仔看哪做麼个好？」阿婆講等就噉起來。

紫婷對振豪講：「你先歸去啦，佢來去將 3 樓間仔打掃淨俐，愛去冠勝屋下時正去尋你。」

阿婆講：「毋怕啦，振豪在這食夜，正陪你去，你莫一個人去。該冠勝在做鱸鰻頭仔，驚怕對你不利呀！」阿婆知啊紫婷毋想麻煩振豪，挑勢恁呢講。差一息振豪就分紫婷騙歸去。

食飽夜，兩個人行路去，講實話，紫婷也息把驚冠勝啊，但係又毋想將振豪拖累。富雄這位少人錢、該位也少人錢，實在奈佢毋何！身後這兜事總係愛處理忒，分佢無牽無掛个走。係無，這生人虧欠个，會過帶到下一世無？

冠勝看著紫婷，當厚意請入去坐。

「富雄仔嫂，佢人走都走咗，還麼个錢啫？佢知啊你一個婦人家愛顧老个、細个，係有少麼个東西，同佢講！佢這兜兄弟會送過去！」

紫婷本來驚準備个錢毋 la^[14]擺，哪得知冠勝一分錢也毋收。

行出冠勝屋下，兩個人都無講話，恁久無講話咗，毋知對哪講起。

「富雄毋係一個壞人，無頭路好做，佢心情當闊，佢想賭微翻本，撩落去就跋毋項咗！離婚，對佢个打擊也蓋大。以前，佢對佢、對阿威都蓋好，佢也盡毋盼得佢恁呢走。假使……假使重頭來過，無定著佢毋會行上這條路。」紫婷細細聲个講。

「佢知。」振豪應講，佢向前行兩步，又幹倒轉來，「你永遠都為別人想，你有為自家想一下無？」

紫婷知振豪還毋死心，「佢家娘對佢恁好，佢仰做得無關心佢个感受啫？富雄走咗，家娘、阿威又更加需要佢呀！至於講你……你歸去都市，做得尋著比佢好 1 百倍个細妹仔。」

「紫婷，佢共樣係該句話，佢-中-意-你，你仰毋分佢等一個機會？」

紫婷敢一口大氣，講：「盡夜哩，另外日仔正來講，你好歸去休息咗！」

紫婷心肚也盡想講「佢-中-意-你」1 千遍 1 萬遍，佢若毋係顧慮大家仰呢看振豪，仰愛使背離自家个心意？

[14] la：罈

奈日，民宿當無閒，天氣慢慢燒暖，到山頂來个遊客越來越多。

振豪無像以前來恁輒，淨奈日來行行啊搵手一下。

過晝收掙也，碗筷也洗好，人客出去山頂奈，大家都嶄然瘵也，坐在餐廳休息轉擺一下。

紫婷看大家人个眼光緊看自家，感覺怪怪。

阿宏先講話也：「紫婷阿姨，你逐日都教佢寫字，」佢看一下振豪，「歸就做佢个先生娘啦！」

阿明食等 la^ˇpad 仔，也講：「係啦，係啦，紫婷阿姨，你做佢等个先生娘，班項就做得輒常食著雞卵糕啦！」

阿宏眼鬥鬥仔看佢，細細聲罵：「淨知好食，曉得講話無啦？」心肝肚在偷嗆，先生應該毋會過一個人呆呆看窗仔外背也。

建清也講：「紫婷，你煞猛做事，愛照顧老伯姆同阿威，佢等看也盡毋盼得，」建清仔嫂也緊領頭。建清又講：「有一個人來照顧你，互相扶持，佢等也為你歡喜。」建清仔嫂又更大力領頭。

阿宇講：「紫婷阿姨，佢看網路寫哇，戀愛个人心情輕鬆、人舒爽，食到百二歲著，外國有一個明星嫁也八擺，你還後生，又恁靚，嫁第二擺有麼个關係呀？紫婷阿姨，愛有勇氣追求自家个幸福哦！」佢幹過去同振豪講：「先生，佢欽佩你，佢支持你！」

紫婷心肚急咧，講：「你等講這兜做麼个啦？」

「紫婷，佢个好心白，」阿婆坐等輪椅溜過來，「你係一個盡乖盡好个細妹仔，係富雄無福，毋知好好痛惜，就恁呢做佢走，好得有留下阿威傳宗接代，」阿婆牽等紫婷个手，「你若做佢妹仔，毋知幾好欸！」

紫婷跔下來看等家娘：「媽，莫講咗啦！」佢又看一下振豪，希望佢阻擋阿婆再講落去，振豪無 tin^[15]動，紫婷心肚越急。

「聽佢講，媽媽也毋係無開化个老貨仔，食到這個歲數，麼个事情無經歷過？你若有賢孝，就毋好分媽媽有遺憾，誤著你个青春，又誤著一個後生人个愛慕，你係幸福，富雄應該會更安心！」

「媽，佢就係愛為富雄照顧你啊！」

「振豪，你講喺？」阿婆笑咪咪看振豪。

振豪也跔下來：「紫婷，你從細無爺無哀，阿婆恁惜你，你也恁賢孝，」佢又對阿婆講：「佢也無爺無哀，阿婆就像佢个親人，對佢盡好，」佢又再看等紫婷：「你愛分佢機會，分佢賢孝阿婆啊！」

紫婷兩下半企起來：「你等……你等參詳好咗，來……來欺負佢咩？」

阿婆又去牽紫婷个手，「紫婷，你無大人儕同你做主，佢係你長輩，你同富雄離婚咗，你還肯喊佢一聲媽媽，佢仰會分大家人欺負你喺？振豪正式係好對象，又了解你个情形，考慮過咗甘願同你共下，愛好好把握自家个幸福。」

阿宇拍手講：「哇，今價老、中、青三代都贊成咗，阿威，看你个哦！」

阿威對高凳仔項溜下來走過去，阿婆愛惜个摸佢个頭那。佢看等紫婷、振豪：「阿豪叔，你做佢阿爸好無？」

[15] tin^ˊ：停

大家人共下應講：「好！」

紫婷這下已經忍毋核，目汁流下來，佢將頭拿輕輕偎靠在振豪个肩頭，阿婆、阿威、紫婷同振豪，4 個人个手纏纏牽共下。

阿明、阿宏用手揩等目珠，又想偷看，兩個人講：「哇，毋好看哦，看咁會發目 coi~ 哦！」

振豪看出去窗仔外背，遠山樹仔項有盡多一點一點个白點。佢想，春天腳步近咁，桐花應該開哩！

作者感言

在現代多元个社會，大家人還共樣用較高个道德標準來看做先生个人，先生个感情世界，其實同一般人無麼个無共樣。小說裡肚个先生，愛著一個離婚又有細人仔个細妹仔，寫到尾上，到底愛分佢等有圓滿个結局也係分開來呢？愛寫恁呢个主題，對佢來講，係一個挑戰。感謝評審委員分佢這個機會，肯定佢个作品。佢恁，逐儕人都做得追求自家个幸福，分人生圓滿，莫留下憾恨！

吳秀梅

高雄市三民區莊敬國民小學 教師

